

輝縣志

卷十四

卷十五

第陸册

150.127

36  
=6

150.127  
36  
=6



輝縣知縣嚴筠周際華



碑碣志

北齊

元極寺碑

八分書在縣西七十里白鹿山元極寺內碑四面皆有字右面載大齊河清四年四月八日邑人敬造殘蝕不完換者書者姓名皆不可考獨其字秀曼古勁部武整齊視漢隸稍變其為當時名手無疑

案碑稱斯地為佛圖橙頓步之處橙用木旁隸書載佛圖橙皆作水旁此足證其誤又碑右載寺主有安東將

輝縣志

卷十四

碑碣

北齊

一

軍秘書丞梁州大中正榆縣開國男兼散騎常侍聘南使主皇甫亮聘古聘字齊為北朝故曰聘南又有中堅將軍其縣令袁秀以縣令加將軍銜為他縣令所無

碑陰載旨授刺史張武賢妻和妃旨授山陽修武二縣令買賢妻苟貴英以牧令立碑並載妻名此當時倭佛之失古山陽在今縣城西南六十里彼時山陽未廢故置縣令然合修武以一縣令統之亦可見當時地小事簡也

又案碑陰題名明字皆作明妻字或作婁或作妻明係古篆體婁與妻皆當時俗體又有邑子清信女等名號皆不詳所謂



唐

隋故柏尖山寺曇詢禪師碑

八分書在縣東北十五里柏尖寺武德五年歲次壬午十二月立完好無缺文用四六辭頗典麗撰者書者姓名俱不載字法清勁在梁升卿御史臺精舍碑之上

百門陂碑銘

并序

行書在百泉衛源廟廊下長安四季九區立前成均進士隴西辛怡諫文張元琮記孫去煩書

昔者結而爲山嶽融而爲江海炎上作苦實表陽九之德潤下作鹹克明陰八之數上泄雨露純陽流濡之道也下疏川瀆凝陰潤物之理也是以雨露爲長物之本

輝縣志

卷十四

碑碣

唐

二

川瀆爲潤物之宗故稱之以靈長亦賴之以通濟則知水之爲德其大矣哉百門陂案水經出自汲郡其山下泉流百道故謂百門會同于淇合流于海魚鹽產利不可談悉尔乃口溫夏涼飛湍激沫負羣巖以作固涵細溜而成廣酌而不竭挹之弥冲帶蘇門以霧杳望太行而煙接借如楚囿口夢廬峯太湖樊邱之隈小溪抱寒山二泉叙浦見美於鄴歌蓬池久通於汴邑斯並昭著方舟備經綿世分派雖衆爲利不宏豈與夫導源迅激積潤潛湧比魏代之龍号同漢宮之鴈名或以巖斗標奇或以元武爲稱仙公卧隱聞諸抱朴之篇封度靈清



出在林宗之論洎夫洗累蕩穢揚清激濁所以顯乎美也浴及羣生淥流萬祀所以昭乎仁也弱而難勝即其勇也變盈流謙即其智也以此四德以利萬生悠悠既溱滔滔不息加以背險絕面形勝奔溜暴灑層波疊躍或沃①以收繳忽因風以作濤其利也則商榘畎澮吐納疆場蓄為屯雲泄為行雨沐時稼以俱就喜季穀之屢登其清也則湛若狐斯淨猶蟾魄可以洽洗耳之樂興濯纓之歌皎鏡不限於冬春洞澈無隔於深淺其險也則仰盼崇岫俯臨遐潭澗壑窈窕而助口葛蘿森沉以增峻其神也則不行而至不疾而速惟慌惟忽若有若無禎應克著休祥閒發無幽不顯有感必通祠堂滿

# 輝縣志

## 卷十四

碑碣

唐

三

陰靈石周險每至元律既謝韶陽肇開紫鸞嬌春紅萼笑②申祈者候來忽往奠祭者煙交霧集綺羅縟野遠增芳歲之色泉瀨吟吹閣合雲龕之音樂哉盛哉抑亦曠古之異迹也縣令曹府君諱懷節切字峻邈德聲昭宣軒軒霞容湛湛海量夙明撫字之要羸縉絃歌之秩虞君莅俗已剏三科滕令移風時兼六縣可謂愷悌君子生之父母者也承齊顛德量冲遠器業通明抱信以居忠養真以凝粹光八顧之清範韜七州之敏學主簿程列劉毅有斷搗謙自牧尉王袁霜雪其操芝蘭其芳尉霍南金不受私請關於公政頃以西郊失候南畝思澤未浹滂施之潤尚勞雲漢之謠曹君恤疠苦傷



稔穡躬率僚佐親祠廟壇叩頭流涕拜手啟祝口懷節  
濫司銅墨時屬炎陽思與幽冥實佇靈祐若商羊起德  
報以牲牢如川鷁不飛覆其夢穢於是樽俎具迺絃歌  
三請下湘君於鱗屋水馬吹泉期太一於蛟館雲魚噴  
浪俄而景貺昭發飛甘驟零寔符三①之請頌叶一旬  
之驗或時獨雲鬱起密雨晦飛又以啟晴應時獲霽豈  
不以至誠允切神道遙徵故得歲阜丕和風行草偃休  
詠盈於道路美聲逸於都鄙雖復江陵滅焰緱氏祈②  
何以加也其廟有二古碑篆隸磨滅不可復覩鄉望前  
泗州徐城縣尉樂處機獲嘉公賈粗光古錄事隗允張  
明張福等或舄奔簪履或優遊耕鑿擊壤食太平之粟

輝縣志

卷十四

碑碣

唐

四

長歌悅文明之代僉以為百門之利于歲無易增修舊  
烈不亦可乎猶恐歲光忽變聖跡無紀式刊翠 將表  
鴻休廼作銘曰陰口潤下德稱靈長既成物而宏濟口  
發源乎濞觴涵仁不測弄利無疆廣矣浩浩溟焉湯湯  
鄒衛之野共山之下爰出靈泉洗霧游煙禎應昭顯祠  
堂巋然神樂冷吹玳羞迺楚分派逾廣飛湍靡極吐納  
隄防周流稼穡序迺炎允時求播植幾勞雲漢之篇徒  
望湘濱之翼曹君為政樂不可支敬羞蘋藻式薦靈祇  
景貺潛發浮甘遠洎允符東哲之請豈謝劉琨之異蕊  
賓在函穀雨盈旬酌彼行潦薦於明神稽首請止獲嘉  
於辰而長峯久巖不留刊石紀銘表禎休口口口口



千秋

碑陰

□安□犁夏五匹州符下縣祈雨六匹一②□□祠令  
 □先祈社稷遍祈山川躬臨廟壇親自暴露其時西北  
 山頂有雲團團而上雷起巖突電發墻藩須臾之間降  
 雨一境當共七司佐廉謹郭敬里缶郭仙童買□鄉望  
 焦德貞魏夷簡等父老光温古上詩賀公曰錦色陳川  
 后絲雨降桐鄉 又三□春四匹祈雨公至誠啓請如  
 前是時雲從食門山起俄而驟雨盈郊當共錄事隗□  
 允七司佐楊讚耿恪等里缶高延斐李儼孫九兒坊缶  
 郭貞郭□鄉望光古賈祚等同祈 又四季春三匹時

通縣志

卷十四

碑碣

唐

五

雨不晴農□有廢四匹七③共主簿程列倉督張行□  
 佐郭敬李元里缶張機張纂張昱村缶郭思敬乞晴應  
 時獲霽得畢釐麥始雨又晚夏雨多至七匹七④共七  
 司佐錄事隗允等乞晴十⑤當時雨霽得如所願其⑥  
 有灤州縣令尔朱昂寄莊貝州臨清縣令蕭衷輔 又  
 秋八匹灤州縣令尔朱昂寄莊貝州臨清縣令蕭衷輔 又  
 乞時冒雨而臨祠壇端笏啟請顧仰山河乞晴□姓畢  
 其收刈應時雨止共七司佐□守義張處明廉思昉市  
 史齊山里缶馬玄節

五匹十⑦前南岳齋郎趙不為詩曰調弦敷廣惠濟物  
 被深仁 七匹廿三⑧文林郎王堅詩曰良宰多憂憫



虔誠謁庶神 文林郎王鉉詩曰雨似隨車至雲疑逐  
蓋飛 武壘縣尉成公簡詩曰軒感仁惠應○灑甘  
滋 成均進士李大寶賀晴詩曰陽耀求便灑陰霖請  
復晴 趙不為喜晴詩曰晴暉疑光夢甘液類隨車  
丹青至巫九口劉口玉鑄字至新鄉縣高思禮  
案碑中天作而地作壘載作贏和作蘇剛作劉爾作尔  
號作号雁作鴈大作夙皆古體字其他年作季聖作壘  
人作至國作國日作㊦月作匝正作舌則皆武后所製  
字故當時遵用之其書筆力遒勁腴不掩骨在褚河南  
書之上實唐碑中所僅見者

永安山中胡禪院再定封壩碑

# 輝縣志

## 卷十四

碑碣

唐

宋

六

正書在縣西北九十里唐中和三年建白鹿山布衣李  
口撰禪學志長書字拙滯係縣大夫兼主鎮事銀青光  
祿大夫檢校太子賓客兼監察御史上柱國郭氾更定  
寺地疆界其銘有曰屹然孤峭唯彼名山龍吟洞口鶴  
唳雲間松篁寂寂谿谷潺湲祥雲隱見朝飛暮還其稱  
縣大夫文曰位列五侯地封百里能深製錦善繼分  
秉政臨人垂恩馭下門搖翠柳琴韻朱絲公忠而鸞集  
王門廉潔而塵生范甑又云柔情和氣勸民勉人咸刑  
不設恩惠自行郭公政績今無所考節錄之以補志乘  
之闕

宋



勅賜永安山太平興國禪院碑銘

并序

行書在縣西北九十里中胡寺僧智圓撰習進士劉  
書太平興國六年歲次辛巳四月戊辰朔八日乙亥副  
鎮兼都虞侯聶振衙前大將共城縣鎮遏使孔倫前守  
共城縣尉史德星承奉郎試大理評事行縣尉同徵科  
事張□碗徵事郎守令陳光鷹朝散郎試大理評事守  
衛州錄事參軍王裕軍事判官文林郎試秘書省校書  
郎高□□朝奉郎守殿中丞權知軍州事王瀚衛州刺  
史充本州河堤使兼御史大夫上柱國慕容德業同立  
白鹿山白茅寺五百羅漢碑

行書在縣西五十里白雲寺如京使金紫光祿大夫檢

輝縣志

卷十四

碑記

七

七

校工部尙書兼御史大夫上騎都尉東海郡開國侯食  
邑一千七百戶曹□篆額僧慶珍撰清智書大中祥符  
元年歲次戊申九月十九日丙子建鐫字人暢懷辯書  
法甚佳

石香爐座

正書在縣西南四十里樂村高二尺許八面慶歷五年  
里人郭用等製今殘缺座首有皇帝萬年重臣千秋雨  
順風調萬民樂業十六大字下邊小字大半磨滅後書  
重門樂村則樂村之名自宋已然其繫於重門下者殆  
重門所符也

布袋和尚碣



在城內天王寺崔白畫像蘇軾題云熙寧間畫公崔白  
示予布裘真儀其筆清而尤古妙乃過吳矣字畫兩絕  
湧金亭碣

在百泉湧金亭大書蘇門山涌金亭六字後題眉山蘇  
軾字可七八寸端楷有法

權邦彥詩碣

行書在百泉湧金亭宣和五年奉議郎知共城縣事趙  
參摸上石字甚佳

河間權邦彥寓衛初春已起尋山興正月九日遊百門  
泉覽彥由殿院有詩刻石因用其韻書之并律詩奉呈  
西山拾人巧相逼興欲乘風先兩腋犯寒策馬古共城

輝縣志

卷十四

碑碣

宋

八

未見春林眩紅碧土膏浮焰遠沄沄野燒舊痕明矍矍  
造幽忽覺累物異心瑩如澄眼如拭山根出泉泉湧竇  
滋此一樣玻璃色爛然毛髮立可數我欲探之還杖植  
酈元水經陸羽品甲乙未許來輕敵徑須乘夜掬月影  
且試飛橋撥雲跡塞垣奔馳厭長道貂帽多塵更吹炙  
偶來娛此得閑曠塵土自無何用滌境清意徹雨緝會  
坐對行吟一傾臆鷗鷺飛浮亦閑暇知我忘機羣可入  
擬將筆力出仿像但覺才慳費雕刻荒乘野逸不知倦  
是樂箇中真自適暮歸穿邑驚市人應笑新邊二千石  
又 眼看綠淨思悠悠綉縠圓珠串欲裁船穩恍如雲  
外去烏飛鷺自鑑中來泚融波浸秦山碎鷺瀟瀟紫霧



水回何似此間弄明月月中長嘯有高臺

王微之題名碣

正書在百泉衛源廟元豐四年東牟王子淵微之按行因率崇班李傳揚休縣宰葛嘗舉規叔同遊題名

衛州共城縣□□□新修三門記

正書在城內天王寺鄉貢進士張遂撰碑殘缺不完文內稱大宋單口之祀不詳年號

金

趙狀元詩牌

正書在百泉湧金亭大定二十七年刻

丙午六月八日挈家到蘇門與孫僚佐同遊百泉既而

輝縣志

卷十四

碑碣

宋金

九

泛舟亭下舟中恰受侑觴者三數子爾且作風色益奇漫成長句自寫一皆之勝永安趙據題并序

蘇門山水山南奇我聞舊矣今訪之湧金百泉鬱相對繞欄下看跳珠璣晚棹小舟歌更酌況值蕭蕭風雨作十分景色侶漁家祇欠碧蓑并綠蒻

蒙恩叨職衛幕一日謁祠下登湧金亭周覽古今士大夫篇詠偶見兄狀元之任坊守假道蘇門留題詩牌稱讀不已恐久而湮滅無傳命工刊石庶幾不朽云嘗大定二十七年六月十八日趙揚跋

元遺山詩補

正書在百泉湧金亭詩載藝文



元

玉虛觀碑

正書在縣西關北街社稷壇北翰林學士中奉大夫知制誥同脩國史王惲撰翰林學士承旨榮祿大夫知制誥兼脩國史趙孟頫書至元元年功德主資德大夫中書左丞張思明立書法蒼勁惜年久剝蝕字畫多缺

王磐詩碣

正書在百泉湧金亭有耶律沃題跋

濟南七十二名泉散在坡陁百里川未似其城祠下水千窠併出畫欄前 半空風雨山頭樹十頃玻璃水底天孤客南來無著處相宜只有百門泉

輝縣志

卷十四

碑碣

元

十

翰林大學士永年王先生隱於其時嘗游靈源作此二詩書于湧金亭之東楹歲既久亭宇垂蹟奉訓大夫阿隣不花率衆葺新之邑人樊澤十室之信也懼是役中詩或泯焉出不朽之計募工刻石命予記之噫先生所以塞充宇宙龍光百代弥久而彌新者發而爲實華懇雅致理之辭予固謂子非傳先生之詩於無窮殆揭吾雲山之精華於不朽也至元十年上巳日耶律沃記  
重修北胡禪寺碑

正書在縣西北九十里至元十三年立三明撰天黨逸人牛德榮書是時地屬彰德故碑首題彰德府湯陰縣後題侯兆川巡檢勾當路思明仙崑石匠陳聚刊



衛源祠題名碑

吏部侍郎劉傑漢卿兵部郎中趙仁恭致遠同衛輝路  
總管王庭玉君寶經歷劉理正臣敬謁祠下楷行者前  
輝州知州王泰仲通淇州知州李公惠久安本州達魯  
花赤阿隣不花知州尙文周卿吏目牛顯至元十八年  
口月二十八日識

姚文獻公墓碑

篆書在城北三里字大三寸許不詳姓氏

姚文獻公墓表

正書不詳姓氏字大四寸許端莊蒼勁

姚文忠公墓碑

輝縣志

卷十四

碑碣

元

十一

正書翰林學士承旨榮祿大夫知制誥兼脩國史知經  
筵事康里夔書字大八九寸

洪濟威惠王廟碑

正書在衛源祠翰林學士口口誥同修國史李謙撰奉  
訓大口口州知州劉廙書字適勁

至元二十一年閏月辛巳中書省奏禮部

缺一字言衛輝路

共城縣

缺五字北五里所百門

缺一字有泉出其下御水發源實本

諸此源故有廟歲旱祈禱甘澍隨應前代嘗封王爵益  
曰威惠逮及聖朝未蒙加贈殆未盡威秩無文之義集

翰林禮官議咸謂

缺三字濟威惠王

缺一字典禮為宜制

可三十一年衛輝路總管府判官兼司稻田井德幣上



言洪濟威惠王廟歲缺一字傾北寢至不支宜命有司更

葺會其年四月乙未詔名山大川載在祀典者所在長

吏擇日致祭廟宇損壞者官為修理其十一月缺二字部

符奉堂帖報下趣如乙未詔乃檄知州司仁躬董其役

監路塔失帖木兒總綱紀之揆功庀役徵匠者役缺一字

備缺一字執用畢會祠下首葺前後殿次及顯佑公祠五

龍祠廊廡神門庭峙二亭一以注香一以展儀神門外

為亭三合為楹五十有奇缺三字缺者椽桷腐敗者皆

徹而更之完飾神像塗墍漫漶崇其基址甃其階砌以

至戶牖欄檻之屬咸一新之經始于元貞改元之缺三字

落成于明年三月靡官錢寶鈔四千七百餘緡自井德

輝縣志

卷十四

碑碣 元

三

常之言發之其發民趣功糾與翼贊則監輝州玉石帶

馬合馬知州繼至缺四字者官朱仕榮吏日記好謙韓

從凱皆與有力焉府判井德常知州司仁以志歲月為

請竊惟山川之祀見于書曰望秩禮有天下缺三字神

凡山林川谷能出雲為風雨見怪物皆曰神其祭之之

制則五岳視三公四瀆視諸侯餘視伯子男歲凡四祭

以貍沉順缺四字其水於衛為巨浸一出齋淪數百畝

畝而澮之灌溉不啻千頃地敏稅稔收入畝鍾江南未

下時輸貢之外諸郡國醪醴粢食缺四字皆足其下流

合諸水疏為大川延亘千有餘里歷郡國數十所在倉

庾節級轉運畢達京師與夫清滄鹹鹺不煩輦致漕給



梁缺四字其為利 不既博矣乎當其常賜為首爾澤忽爽誠

德感召其應如響然則國家億載之利生民履洪之澤

王之所缺一字以陰相者厥功茂缺四字報尊其明靈加

號節祠宜矣敢敘述竊章奉宣神德其辭曰百門之山

泉出其趾澤浹一方利遘千里其澤維何缺四字嘉豐

年高廩萬億及秭其利維何京國之紀方之缺一字之衍

我儲猗昭昭神功耿耿神祉嘉缺三字易章德美對揚

徽命作新廟祀何福不除缺三字弭祐我邦家阜我生

齒千秋萬古傳休缺二字大元大口口年七月望日衛

輝路總管府判官井德常口共山白孟陽刊

請北墮初修興國院記

### 輝縣志

#### 卷十四

碑碣

三

正書在縣西南十里至元二十五年歲舍戊子冬十月

癸亥德利撰并書普安立石字多漫漶

請佃戶靈陽觀記

正書在縣南十里請佃戶村南至元二十五年立奉政

大夫簽燕南河北道提刑按察司事太原白棟撰朝列

大夫陝西漢中道提刑按察司大使程思廉書天黨年

居信刊

太清觀銘

正書在縣西十里卓水大德四年集賢學士大中大夫

宋渤撰并書翰林學士中奉大夫知制誥同修國史王

惲篆額字端楷



重修萬里相公廟記

正書在縣南二十里凡城大德七年共城處士張思忠  
撰雲門王炳習書

勅修天王院碑

正書在城內天王寺至大四年宣授從仕郎輝州前達  
魯花赤兼管本州諸軍奧魯勸農事外護都功德主伯  
顏不花立奉議大夫趙州知州兼管本州諸軍奧魯勸  
農事李克敏書筆意圓勁

金掌九仙山崇福寺碑

正書在縣西北二十里金掌村延祐七年榮祿大夫雲  
南諸路行中書省平章政事塔失帖木兒立衛輝路儒

輝縣志

卷十四 碑碣 元

十四

學正王原清書許成刊

張公墓表

庚午志云在城北二里元贈嘉議大夫禮部尚書上輕  
騎都尉清河郡伯張公忠墓延祐七年十月二十六日  
翰林學士承旨榮祿大夫知制誥兼修國史趙孟頫書  
今不存

張公神道碑

庚午志云在城北二里元參知政事張公思明墓延祐  
七年翰林學士承旨榮祿大夫知制誥兼脩國史趙孟  
頫書今不存

閼碑一通



庚午志云碑中字跡剝落殆盡止餘姓名數字翰林學士趙孟頫書今不存

元統聖旨碑

正書在縣西五里頤真宮字秀勁

民生天氣力裏大福廕護助裏皇帝聖旨裏軍官每根底軍人每根底管城子達魯花赤官人每根底往來使臣每根底宣諭的聖旨成吉思皇帝月濶台皇帝薛禪皇帝完者都皇帝曲律皇帝普顏都皇帝傑堅皇帝護篤圖皇帝扎牙篤皇帝亦憐真班皇帝聖旨裏和尚也里可溫先生答失蠻每不揀甚麼差發休當者教告天祝壽者麼道道有來如今依著在先聖旨體例裏不揀

輝縣志

卷十四

碑碣

元

五

甚麼差發休當者教俺行告天祝壽者麼道衛輝路輝州真大道願真宮裏圓明德政普照大師提點于進全明真葆元志道大師法師金圓真真常善應大師提點高真祐爲頭兒先生每根底執把行的聖旨與了也這的宮裏房子他的使臣休安下者鋪馬祗應休拿者稅糧課程休與者保屬宮家的水土人口頭疋園林碾磨店舍鋪席解典庫浴堂船隻竹葦等不揀是甚休當者不揀是甚他的不以是誰休倚氣力奪要者道來更這于進全提調翟先生每根底聖旨裏道了沒體例的勾當休做者做呵他更不怕那聖旨俺的元統三年諸兒年八月二十七日忽察禿因納堡裏有時分寫來



是碑建於順帝元統三年乙亥故云猪兒年通鑑於是年書至元元年而無元統三年案元史順帝於是年冬詔改元是碑建於八月尙在未改元之先故仍稱元統三年詞甚俚俗全錄之以存當時制誥之體

### 題名碑

八分書字甚佳在百泉呂公祠兵部侍郎宋同都水監使郭奉命暨衛輝路總管成公相踏漕運御河經此百門神泉不著年代但言衛輝路則其爲元刻無疑

### 附朝代無考石碣

#### 蘇門石碣

草書蘇門二字大二尺許蒼勁絕倫不著書者姓氏

## 輝縣志

### 卷十四

碑碣

元

六

#### 岳廟古磚

正書盡忠報國四字大三尺許不著姓名鑲嵌西月城岳忠武廟前照壁上



